



Fasti Mariani

Brunner, Andreas

Antverpiæ, M.D.C XXX III.

S. Basilevs Ep. Mart. 26. Aprilis.

[urn:nbn:de:hbz:466:1-70962](#)

26. APR. *Vita Sanctorum.* 231
fidei incrementa MARCVS insidiis
appeteretur, Anianum pro se urbi Epi-
scopum dedit, ipse Pentapolim abiit.
Indidem biennio post Alexandriam
rediit, ubi ad aram ipse Dominicæ Re-
surrectionis festo die captus raptatusq;
per urbem, Paschalis pro Christo factus
est victima. Èâ nocte Angelus nomen
suum Marco albo Cæli inscriptum
monstravit, & Christus ipse magno
præsens fuit solatio: posterâ luce cùm
laqueo gula implicaretur, tam citò cō-
stringi non potuit, quin celerior anima
ad Superos evolaret. Cadaver ne torto-
res exurerent, coorta repente tempestas
rogum omnem cum bustuariis disje-
xit. Nunc de illius tumulo Italia Ger-
maniaque certant, ut de Homeri cunis
Græciæ urbes; lite tanto sanctiore,
quanto dignior est, qui Christi, quam
qui Achillis prælia scripsit. *Ex Brev.*
Rom. & S. Hier.

S. BASILEVS EP. MART.

26. Aprilis.

SCelus heu! ingens, juventus. Tuis
manibus tuam occidis, eheu! toties
castitatem, cùm olim viri sancti occi-
dere pro alienâ nō dubitarint. Trodeat
BASILEVS, & dum pro alienâ pudici-
tâ pugnat, pugnare pro nostrâ nos do-
ceat. Erat Licinio Imperatori in Parthe-
none virgo, virginis nomen Glaphyra,

P 4 ad-



addictissima Christo & castitati. Huic insidias tyrannus Cupido per alterum tyrannum Licinum moliebatur. Glaphyra ab amore docta fugere, ipsa quoque alas assuinit, & ad Episcopum BASILEVM abit. Sed nihil latet cœcum licet Amorem. Proditur virgo apud Imperatorem, & unà virginis custos Pontifex, & jubet utrumque vincitum adduci Licinius. Commodū Glaphyra morte beatâ vincula effigit, sed subit BASILEVS vas pretiosi pudoris. mox jubetur aut fidem aut caput ponere. Nec multū ille apud animum suum deliberat, abjicit caput, ut fidem servet. Utrumque & caput & trunca corpus seorsim in mare proturbant carnifices. Sed qui aut corpus aut caput Martyris periret, si neque unus ex hoc capillus est periturus? Angelus Elpidophoro viro Christiano in cælis animum BASILEI, in undis corpus monstrat. Ergo illi cum pescatoribus ita convenit, ut quidquid demum prehensum id loci verriculo esset, suum esset. Mox BASILEVS extrahitur, non jam minutus capite, sed planè integer. Una tantum & illa rubea linea ornabat, non inficiebat cervicem, ut Glaphyra è Servatoris sui collo præmium, monile hoc videatur suspendisse. Ex Surio.

S. SI-